

Forfatter: Arrebo, Anders

Titel: Udrag fra Hexaëmeron

Citation: Arrebo, Anders: "Hexaëmeron. Lejlighedsdigte. Breve. Udg. af Vagn Lundgaard Simonsen. 1965", i Arrebo, Anders: *Hexaëmeron. Lejlighedsdigte. Breve. Udg. af Vagn Lundgaard Simonsen. 1965*, udg. af VAGN LUNDGAARD SIMONSEN ; Jørgen Glahder , Munksgaard, 1965-83., s. 17. Onlineudgave fra Arkiv for Dansk Litteratur: <https://tekster.kb.dk/catalog/adl-texts-arrebo01val-shoot-idm140030268552416/facsimile.pdf> (tilgået 19. april 2024)

Anvendt udgave: Hexaëmeron. Lejlighedsdigte. Breve. Udg. af Vagn Lundgaard Simonsen. 1965

Testimonia Encomiastica alia, quorum
 primum M. Johannis Corvini est, ex Rhythmologia
 Danica M. Sc. Cap. 5. § 6. De authoribus
 Alexandrini Carminis.

IN nostra gente Alexandrini carminis cultor felicissimus ac ingeniosissimus extitit Dn. M. Andreas Arøensis, (nanquam mihi sine laude nominandus) qui, Authore & Suasore Magnif. Cancellario Dn. Christiano Frisio, Hexaëmeron seu opus de creatione sextiduana condidit; quod opus, morte prævento Authore, nondum est divulgatum. Neque multi sunt, qui de eo quicquam sciunt præter ipsius affines & filios. Mihi autem ejus legendi facta est copia Orhunge, cum aliquando post obitum Authoris ab uxore superstite per diem unum aut alterum hospitio acceptus essem. Hoc autem publice testor, si hoc opus in publicam lucem emissum esset, nunquam tale quid vidisset Dania, tanto illud est auro dignum, quantum est ipsum. Meherclè, nisi M. Andream ejusque manum ipse novissem, Authorem Apollinem credidissem. Tam splendide, tam copiose, tam magnifice omnia tractat, nusquam dormitans, nusquam remissus, nusquam verba cogens, ut legens fateatur se non audire hominem, sed Deum quendam, qui mortalis hominis præscriptione Divinam Majestatem tegere velit, quasi dicturus, ut est in Greco versu Apollinis de Homero:

Carmina sunt mea, sed manus hæc descripsit Homeri
 Carmina sunt mea, sed manus hæc descripsit Arensis.

Sed desino scriptum per se magnum & mirabile, mea oratione magnificare & Verbis attollere, quid enim vino vendibili opus [c. 4] est hedera? Sanè si vitam dñtius relinquisset Davorum alter Absolon Dn. Christianus Frisius literarum & literatorum fautor incomparabilis, dudum in lucem extrusum fuisset. Vos autem cohortor, qui inter nos optimarum artium & humanitatis studia colitis, vos inquam hortor, moneo deniq; vos oro atq; obtestor, per publicum bonum, cui vos abstrinxistis, ut ab affnibus scriptum petatis, & cupiditate maximâ augeatis ornatisq; ut tandem ad usum fructum communem in lucem aspectumque omnium prodeat. Si facitis viri Dani & in spem Patrie nati, DEI gloriam pro-